

riječima: «zabrana upravljanja motornim vozilom», u svim padežima.

Član 34.

U članu 333. Zakona, stav 1. mijenja se i glasi:
«Vrijeme trajanja zabrane upravljanja motornim vozilom računa se od dana upisivanja zabrane upravljanja motornim vozilom u vozačku dozvolu».

Član 35.

U cijelom tekstu Zakona o bezbjednosti saobraćaja na putevima u HNK, izraz «vrsta vozila», briše se, a uz izraz «kategorija vozila», u raznim padežima dodaju se riječi «i podkategorija».

U cijelom tekstu Zakona oznaka kategorije za upravljanje motornim vozilima A, B, C, D i E kategorije, znače i daju pravo na upravljanje motornim i priključnim vozilima razvrstanim u kategorije A, B, C, D, BE, CE i DE i podkategorije A1, B1, C1, D1, C1E i D1E, u skladu sa članom 5. ovog Zakona.

U cijelom tekstu Zakona uz naziv «policijska uprava», dodaje se i naziv «ili policijska stanica»

U cijelom tekstu Zakona tekst: «u saglasnosti sa svojim zamjenikom», u odgovarajućem padežu, briše se.

Član 36.

Stupanjem na snagu izmjena i dopuna Zakona o bezbjednosti saobraćaja na putevima u HNK, na prijedlog ministra unutrašnjih poslova, uz saglasnost Vlade HNK bit će donesen Pravilnik o postupanju u slučaju saobraćajnih nezgoda.

Član 37.

Ovaj Zakon stupa na snagu osmog dana od dana objavljivanja u «Službenim novinama Hercegovačko-neretvanskog kantona».

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA

Broj: 02-01-VII-040/04
Mostar, 16. marta 2004. godine

Predsjedavajući
Omer Čevra, s.r.

362

ZAKON

O IZMJENAMA I DOPUNAMA ZAKONA O JAVNOM PRAVOBRANILAŠTVU HERCEGOVAČKO-NERETVANSKOG KANTONA

Član 1.

U članu 6. Zakona o javnom pravobranilaštvu Hercegovačko-neretvanskog kantona («Službene novine Hercegovačko-neretvanskog kantona», broj 8/99) tekst:

«Obavijestiti guvernera i njegovog zamjenika, te Vladu kantona, odnosno nosioce izvršne vlasti u jedinicama lokalna samouprave», zamjenjuje se tekstom:

«Obavijestiti Vladu i Skupštinu kantona, odnosno nosioce izvršne vlasti i vijeće jedinice lokalne samouprave».

Član 2.

U članu 14. u stavu 2. riječi: «guverner uz saglasnost zamjenika» zamjenjuju se riječima: «na prijedlog Ministarstva pravosuđa, uprave i lokalne samouprave, predsjednik Vlade kantona».

Član 3.

Član 25. stav 1. mijenja se i glasi:

«Kantonalnog javnog pravobranioca i njegove zamjenike imenuje i razrješava Vlada kantona na prijedlog ministarstva pravosuđa, uprave i lokalne samouprave. Odluku potvrđuje Skupština kantona».

Član 4.

U članu 29. u stavu 1. i 2. riječi: «oglas» u danom padežu zamjenjuje se riječju «konkurs» u odgovarajućem padežu.

Član 5.

U članu 30. u stavu 2. riječi: «guvernerom i njegovim zamjenikom», zamjenjuju se riječima: «predsjednikom Vlade kantona».

Član 6.

U članu 33. stav 2. mijenja se i glasi:

«Kantonalnog pravobranioca i njegovog zamjenika smjenjuje predsjednik Vlade kantona na prijedlog ministarstva pravosuđa, uprave i lokalne samouprave. Odluku o smjeni potvrđuje Skupština kantona».

Član 7.

U članu 34. u stavu 3. riječi: «guverner uz suglasnost zamjenika», zamjenjuju se riječima: «predsjednik Vlade kantona».

Član 8.

U članu 35. riječ: «guverneru», zamjenjuje se riječima: «predsjedniku Vlade kantona».

Član 9.

U cijelom tekstu Zakona umjesto teksta:

«Ministarstvo pravosuđa i uprave», u datom padežu zamijeniti tekstem:

«Ministarstvo pravosuđa, uprave i lokalne samouprave» u odgovarajućem padežu.

Član 10.

Ovaj Zakon stupa na snagu osmog dana od dana objavljivanja u «Službenim novinama Hercegovačko-neretvanskog kantona».

Bosna i Hercegovina
Federacija Bosne i Hercegovine
Hercegovačko-neretvansk kanton
S K U P Š T I N A

Broj: 02-01-VII-041/04
Mostar, 16. marta 2004. godine

Predsjedavajući
Omer Čevra, s.r.

363**ZAKON****O VISINI STOPE ZATEZNE KAMATE NA
JAVNE PRIHODE****Član 1.**

Ovim Zakonom propisuje se visina stope zatezne kamate na javne prihode koji nisu plaćeni u zakonom propisanom roku.

Javnim prihodima, u smislu stava 1. ovog člana, smatraju se javni prihodi koji se uvode kantonalnim propisima: porezi, takse, naknade, doprinosi i sl.

Član 2.

Na iznos javnih prihoda koji nisu plaćeni u zakonom propisanom roku, plaća se zatezna kamata po stopi od 0,06% za svaki dan zakašnjenja.

Član 3.

Danom stupanja na snagu ovog Zakona prestaju da važe odredbe Zakona o porezima HNK (Službene novine HNK broj 6/98 i 9/99), Zakona o porezu na promet nekretnina HNK (Službene novine HNK broj 8/00) kojima je regulisana visina stope zatezne kamate na javne prihode koji nisu plaćeni u propisanom roku, kao i odredbe o svim drugim kantonalnim propisima u kojima se do donošenja ovog Zakona utvrđivala visina zatezne kamate.

Član 4.

Postupci za utvrđivanje visine zatezne kamate po neblagovremeno plaćenim javnim prihodima, iz člana 1. stav 2. ovog Zakona, po kojima do dana stupanja na snagu ovog Zakona nisu donesene i izvršene pravomoćna rješenja, završit će se po odredbama ovog Zakona.

Iznos zatezne kamate po neblagovremeno plaćenim javnim prihodima, iz stava 1. ovog člana, utvrdit će se po stopi određenoj u članu 2. ovog Zakona.

Član 5.

Općinska vijeća su obavezna uskladiti svoje propise sa ovim Zakonom u roku od 90 dana od dana stupanja na snagu ovog Zakona.